

ქ. თბილისი

22 მაისი 2017 წ.

საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ბაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, საქართველოს შინაგან საქმეთა მინისტრის 2016 წლის 25 მაისის N268 ბრძანების საფუძველზე, წარმოდგენილი ეკონომიური დეპარტამენტის დირექტორის მოადგილის მურთაზ სიჭინავას სახით და

მიმწოდებელი: შპს „Geovoice“; საიდენტიფიკაციო კოდი: 406046844;

მისამართი, ტელეფონი: ქ. თბილისი, ბახრტიონის ქ. №11ბ; ტელ: 593977944, 593276271, 593186833; ელ-ფოსტა (e-mail): Geovoice.ge@gmail.com;

დირექტორი: თეონა ბერაძე

საბანკო რეკვიზიტები: სს „საქართველოს ბანკი“, ბანკის კოდი: BAGAGE22, ა/ა GE10BG000000620830700;

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, 2017 წლის სახელმწიფო ბიუჯეტის დაფინანსების ფარგლებში შინაგან საქმეთა სამინისტროს მიერ გამოცხადებული SPA 170005912 ელექტრონული ტენდერის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") - საქართველოს შინაგან საქმეთა სამინისტრო;

1.1.4. "მიმწოდებელი" - შპს „Geovoice“

1.1.5. „შესყიდვის ობიექტი“- წინამდებარე ხელშეკრულების მე-2 მუხლით გათვალისწინებული მომსახურება.

1.1.6. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ SPA 170005912 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია (თანდართული დოკუმენტების ჩათვლით), რომელიც წარმოადგენს წინამდებარე ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

2.1. მიმწოდებელი იღებს ვალდებულებას გაუწიოს შემსყიდველს შემდეგი მომსახურება, კერძოდ: უზრუნველყოს შინაგან საქმეთა სამინისტროს მიერ დაგეგმილ სხვადასხვა სახის ღონისძიებებში გახმოვანების უზრუნველყოფი აპარატურით და ეკრანის საკიდი ამწე „ფერმა“ კონსტრუქციებით უზრუნველყოფის მომსახურება, - დანართი №1-თ („ფასების ცხრილი“) გათვალისწინებული პირობების და ტარიფების შესაბამისად (CPV 98300000).

3. შესყიდვის ღირებულება

3.1. ხელშეკრულების ღირებულება შეადგენს: 30294 (ოცდაათი ათას ორას ოთხმოცდათოთხმეტი) ლარი.

3.2. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3. მომსახურების გაწევისათვის საჭირო აპარატურის ერთჯერადი (ერთი ღონისძიების ფარგლებში) გამოყენების ფასები მომსახურების გაწევის ადგილის მიხედვით მოცემულია დანართი №1-ში, რომელიც წარმოადგენს ხელშეკრულების განუყოფელ ნაწილს.

3.4. ხელშეკრულების ღირებულება წარმოადგენს რა საორიენტაციო მაჩვენებელს, რომლის ფარგლებშიც

მიმწოდებელზე ანაზაურება განხორციელდება მხოლოდ კონკრეტულად გაწეული მომსახურების მიხედვით და შემსყიდველი წინამდებარე ხელშეკრულებით ვალდებული არ არის აითვისოს ხელშეკრულების ღირებულება სრული ოდენობით.

4. შესყიდვის ობიექტის მიწოდების პირობები

4.1. მიმწოდებელი ვალდებულია განახორციელოს მომსახურების გაწევა SPA 170005912 ტენდერის სატენდერო დოკუმენტაციით და წარმოდგენილი სატენდერო წინადადებით განსაზღვრული პირობების შესაბამისად: ეტაპობრივად, შემსყიდველის უფლებამოსილი პირის მოთხოვნის საფუძველზე, ხელშეკრულების გაფორმებიდან 2017 წლის 20 დეკემბრის ჩათვლით (ნაკისრი ვალდებულებების სრულყოფილად შესრულებამდე). მომსახურების გაწევის ადგილია: საქართველოს ტერიტორია.

4.2. ყოველი კონკრეტული დავალებისათვის მინიმუმ 2 (ორი) სამუშაო დღით ადრე შემსყიდველი მიმწოდებელს ამ დოკუმენტის თავში მოცემულ მიმწოდებლის e-mail-ზე და სატელეფონო ნომრებზე შეტყობინების სახით გაუგზავნის მოთხოვნას ღონისძიების ჩატარების ადგილის, თარიღის (დღე/საათი) და გასაწევი მომსახურების შესახებ. მიმწოდებელი ვალდებულია შეტყობინების მიღებიდან არაუგვიანეს 1 (ერთი) საათის განმავლობაში დაუდასტუროს შემსყიდველს მზადყოფნა მომსახურების გაწევის შესახებ.

5. შესყიდვის ობიექტის ნაკლი

5.1. მიმწოდებელი ვალდებულია მომსახურების გაწევისას დაუყოვნებლივ უზრუნველყოს ყველა გამოვლენილი ნაკლის/ხარვეზის აღმოფხვრა, შემსყიდველის მხრიდან დამატებითი დანახარჯების გაწევის გარეშე.

5.2. მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზაურება.

6. ხელშეკრულების შესრულების კონტროლი

6.1 ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ, შსს ლოჯისტიკის დეპარტამენტის მარაგებით უზრუნველყოფის სამმართველოს მოთხოვნების დაზუსტებისა და მარაგებით უზრუნველყოფის სამსახურის უნიფორმების მოთხოვნების დაზუსტების და უზრუნველყოფის განყოფილების მთავარი სპეციალისტი - გიორგი სადალაშვილი.

6.2 ინსპექტირების ჯგუფი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.

6.3 კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.

6.4 შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

6.5 მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

6.6 მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.

6.7 ხელშეკრულების გაფორმების შემდეგ მიმწოდებელი ყველა საკითხზე მიმართავს შსს ლოჯისტიკის დეპარტამენტს, (მათ შორის ხელშეკრულებაში ცვლილების განხორციელებასთან დაკავშირებით (მაგ: მომსახურების გაწევის ვადის გადაწევა და ა.შ.).

7. შესყიდვის ობიექტის მიღება-ჩაბარების წესი

7.1. გაწეული მომსახურება ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2. ამ ხელშეკრულების მიზნებისათვის მიწოდებად არ ითვლება ნაკლიანი ან ხელშეკრულებით გათვალისწინებულ მოთხოვნებთან შეუსაბამო მომსახურების გაწევა. ასეთ შემთხვევაში აღნიშნულზე მიღება-ჩაბარების აქტი არ ფორმდება.

7.3. გაწეულ მომსახურებაზე მიღება-ჩაბარებას განახორციელებენ: შსს საზოგადოებასთან ურთიერთობის დეპარტამენტის უფლებამოსილი პირ(ებ)ი.

7.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. შემსყიდველი ვალდებულია აუნაზღაუროს მიმწოდებელს გაწეული მომსახურების ღირებულება ხელშეკრულებით გათვალისწინებულ ვადაში და პირობებით.

8.2. ანგარიშსწორების ფორმა: უნაღდო, გადარიცხვით.

8.3. ანგარიშსწორება მოხდება ლარებში.

8.4. ანგარიშსწორება შემსყიდველის მიერ მოხდება ეტაპობრივად, ფაქტობრივად გაწეული მომსახურების მიხედვით. მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) გამოწერისა და წარმოდგენის შემდეგ არაუგვიანეს 20 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.5. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შეთანხმების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

9.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში შესაძლებელია ფასის გაზრდა. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.5. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

9.6. ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.

9.7. იმ შემთხვევაში, თუ აუცილებელი გახდება ხელშეკრულებით გათვალისწინებული შესყიდვის ობიექტის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მიწოდებული შესყიდვის ობიექტის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

9.8. ხელშეკრულების პირობების ნებისმიერი ცვლილება, რომელიც განხორციელებულია მე-9 პუნქტის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვანად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების მე-10 პუნქტით.

10.3. თუ მიმწოდებელი ხელშეკრულებით გათვალისწინებული შესყიდვის ობიექტის მიწოდების პირობებს ვერ შეასრულებს (შესრულების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) მიმწოდებელის მიერ ხელშეკრულების არაჯეროვანი შესრულებისათვის შეწყვიტოს წინამდებარე

ხელშეკრულება.

ბ) ხელშეკრულებით გათვალისწინებული მომსახურების გაწევის ვადის გადაცილების შემთხვევაში, მიმწოდებელს ყოველ ვადაგადაცილებულ 1 (ერთი) საათზე დააკისროს პირგასამტეხლო ხელშეკრულების ღირებულების 0.5%-ს ოდენობით.

გ) თუ კი პირგასამტეხლოს ოდენობა მიაღწევს ხელშეკრულების საერთო ღირებულების 5% და იგი ვერ განახორციელებს შესყიდვის ობიექტის სრულად მოწოდებას შემსყიდველი შეწყვეტს წინამდებარე ხელშეკრულებას. აღნიშნული ვადის გაგრძელება შესაძლებელია მხოლოდ, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

10.4. ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 10%-ს ოდენობით.

10.5. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება და აუნაზღაუროს მიმწოდებელს ფაქტიურად გაწეული მომსახურების ღირებულება:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში

10.6. ხელშეკრულების შეწყვეტა ან/და საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულების შესრულებისაგან.

შემსყიდველს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11. ხელშეკრულების მოქმედების ვადა

11.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, შესყიდვის ობიექტის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. სხვა დებულებები

14.1. წინამდებარე ხელშეკრულება შედგენილია ქართულ ენაზე, 4 (ოთხი) თანაბარი იურიდიული ძალის მქონე ეგზემპლარად, აქედან ერთი ეგზემპლარი გადაეცემა მიმწოდებელს, ხოლო სამი - შემსყიდველს.

„შემსყიდველი“

შსს ეკონომიკური დეპარტამენტის
დირექტორის მოადგილე

მურთაზ სიჭინავა



„მიმწოდებელი“

შპს „Geovoice“-ის
დირექტორი

თეონა ბერაძე



დანართი №1 - 2017 წლის 22 მაისის № 377 ხელშეკრულებასთან

"ფასების ცხრილი"

№	მომსახურების დასახელება	აპარატურის ტექნიკური მახასიათებლები	მომსახურების გაწევის ადგილი	მომსახურების გაწევისათვის გამოსაყენებელი აპარატურის რაოდენობა (ცალი/ჯერადობა)	1 დღეში ერთეული აპარატურით მომსახურების გაწევის ფასი (ლარი)	საერთო ღირებულება (ლარი)
1	უკაბელო რადიო მიკროფონით მომსახურება	მიმღებ- გადამცემი ცვლადი სიხშირეებით. მინიმუმ 8 განსხვავებული სიხშირე. მიმღებზე ლედ ეკრანი AF Peak მაჩვენებლები დაბალანსებული XLR და დაუბალანსებული 1/4 "გამომავალი კონექტორები. სიხშირული გატარების ზოლი Frequency Response 45hz-დან 20,000 Hz-მდე. გადამცემის მახასიათებლები: ცვლადი მართვის კონტროლი, შიდა არხების სელექტორი, ბატარეის ინდიკაცია / გადამცემის კვება, AA ელემენტი / მიმღების კვება 100-240V AC (50/60 Hz) to 12 DC 1 A	ქ. თბილისი	20	29.7	594
2	უკაბელო რადიო მიკროფონით მომსახურება	მიმღებ- გადამცემი ცვლადი სიხშირეებით. მინიმუმ 8 განსხვავებული სიხშირე. მიმღებზე ლედ ეკრანი AF Peak მაჩვენებლები დაბალანსებული XLR და დაუბალანსებული 1/4 "გამომავალი კონექტორები. სიხშირული გატარების ზოლი Frequency Response 45hz-დან 20,000 Hz-მდე. გადამცემის მახასიათებლები: ცვლადი მართვის კონტროლი, შიდა არხების სელექტორი, ბატარეის ინდიკაცია / გადამცემის კვება, AA ელემენტი / მიმღების კვება 100-240V AC (50/60 Hz) to 12 DC 1 A	რეგიონები	10	39.6	396
3	საკონფერენციო მაგიდის მიკროფონით მომსახურება	სიხშირული გატარების ზოლი 40 ჰერციდან 16 კგ/ჰერცამდე; საკონფერენციო მიკროფონის ღეროს სიგრძე არანაკლებ 40 სმ.	ქ. თბილისი	20	14.85	297

4	საკონფერენციო მაგიდის მიკროფონით მომსახურება	სიხშირული გატარების ზოლი 40 ჰერციდან 16 კგ/ჰერცამდე; საკონფერენციო მიკროფონის ღეროს სიგრძე არანაკლებ 40 სმ.	რეგიონები	15	19.8	297
5	მიქსერი სრულად ციფრული	მიქსერი სრულად ციფრული 32+6 არხის მხარდაჭერით გამომავალი პორტები Line Outputs 16 x XLR მოტორიზებული 100მმ ფეიდერებით, აუდიო ცონვერტაცია მინიმუმ 24-bit @ 44.1/48 kHz, 114 dB დისპლე, 7", 800 x 480, 262k ფერები TFT LCD screen: 128 x 64, LCD with RGB	ქ. თბილისი	20	396	7920
6	მიქსერი სრულად ციფრული	მიქსერი სრულად ციფრული 32+6 არხის მხარდაჭერით გამომავალი პორტები Line Outputs 16 x XLR მოტორიზებული 100მმ ფეიდერებით, აუდიო ცონვერტაცია მინიმუმ 24-bit @ 44.1/48 kHz, 114 dB დისპლე, 7", 800 x 480, 262k ფერები TFT LCD screen: 128 x 64, LCD with RGB	რეგიონები	10	495	4950
7	აქტიური აკუსტიკური სისტემა	აქტიური აკუსტიკური სისტემა: სიმძლავრე არანაკლებ 1000 ვატი Class-D (650 W + 350 W, biamped) დაბალი სიხშირის 15" დინამიკით და 1" დრივერით, ხმის წნევა 137 dB Max SPL, ბეგრის გავრცელების კუთხე (60°-90° x 55°), rotatable	ქ. თბილისი	20	198	3960
8	აქტიური აკუსტიკური სისტემა	აქტიური აკუსტიკური სისტემა: სიმძლავრე არანაკლებ 1000 ვატი Class-D (650 W + 350 W, biamped) დაბალი სიხშირის 15" დინამიკით და 1" დრივერით, ხმის წნევა 137 dB Max SPL, ბეგრის გავრცელების კუთხე (60°-90° x 55°), rotatable	რეგიონები	20	346.5	6930

9	ეკრანის საკიდი ამწე "ფერმა" კონსტრუქციებით მომსახურება	ალუმინის ასაწყობი (ე.წ. "ფერმებით") კონსტრუქციის ზომები: სიგანე მინიმუმ 8 მ, სიმაღლე მინიმუმ 8 მ; კონსტრუქცია უნდა ითვალისწინებდეს არანაკლებ 30 მ² ფართობის მქონე ეკრანის დაკიდების დატვირთვას; კონსტრუქციის აწევა უნდა ხორციელდებოდეს ჯალამბარების საშუალებით; კონსტრუქციის ხარისხი დასტურდება მწარმოებლის მიერ გაცემული "TUV" და "ISO" სერთიფიკატებით;	ქ. თბილისი	1	1980	1980
10	ეკრანის საკიდი ამწე "ფერმა" კონსტრუქციებით მომსახურება	ალუმინის ასაწყობი (ე.წ. "ფერმებით") კონსტრუქციის ზომები: სიგანე მინიმუმ 8 მ, სიმაღლე მინიმუმ 8 მ; კონსტრუქცია უნდა ითვალისწინებდეს არანაკლებ 30 მ² ფართობის მქონე ეკრანის დაკიდების დატვირთვას; კონსტრუქციის აწევა უნდა ხორციელდებოდეს ჯალამბარების საშუალებით; კონსტრუქციის ხარისხი დასტურდება მწარმოებლის მიერ გაცემული "TUV" და "ISO" სერთიფიკატებით;	რეგიონები	1	2970	2970
შესყიდვის ობიექტის ღირებულება:						30294

"შემსყიდველი"

შპს ეკონომიკური დეპარტამენტის
დირექტორის მოადგილე



"მიმწოდებელი"

შპს "Geovoice"-ის
დირექტორი

თეონა ბერაძე

